

Ársreikningur ársins 2017

Samstæðuársreikningur félagsins fyrir árið 2017 var staðfestur af stjórn og forstjóra félagsins á stjórnarfundum þann 28. febrúar 2018. Verður ársreikningurinn lagður fyrir aðalfund þann 22. mars 2018 til staðfestingar.

Helstu niðurstöður ársins 2017

- Heildarhagnaður ársins 2017 nam 1.609 m.kr eftir skatta samanborið við 1.459 m.kr árið 2016.
- Samsett hlutfall var 95,3% samanborið við 101,7% árið áður
- Tekjur af fjárfestingastarfsemi námu 1.350 m.kr samanborið við 1.997 m.kr árið 2017
- Hagnaður á hlut nam 0,6

Helstu niðurstöður fjórða ársfjórðungs

- Hagnaður tímabilsins nam 496 m.kr samanborið við 868 m.kr á sama tímabili í fyrra
- Samsett hlutfall var 96,1% samanborið við 100,4% á sama tímabili í fyrra
- Tekjur af fjárfestingastarfsemi námu 456 samanborið við 959 m.kr á sama tímabili í fyrra

Helgi Bjarnason, forstjóri

„Stóru tíðindin í þessu uppgjöri eru að váttryggingareksturinn okkar er kominn aftur á réttan kjöl. Samsett hlutfall, sem er sá mælikvarði sem helst er stuðst við í váttryggingum, var 95,3% árið 2017 en þetta er í fyrsta sinn í fjögur ár sem þetta hlutfall er undir 100%. Helsta ástæðan fyrir þessu er að tjónakostnaður er að vaxa minna en iðgjöldin. Sem dæmi um það hækkuðu iðgjöld um 12,4% á árinu, en stærsta ástæða þess er fjölgun viðskiptavina og skírteina en á sama tíma hækkaði tjónakostnaður aðeins um 3,6% á milli ára.

Afkoma af fjárfestingastarfsemi er ekki nægilega góð, eins og búist var við, vegna þróunar á innlendum mörkuðum. Við höfum hins vegar lokið vinnu við endurskoðun fjárfestingastefnu okkar sem við væntum að muni skila sér í bættri ávöxtun fjárfestingaefna okkar á árinu 2018.

Árið 2017 var ár mikilla breytinga hjá VÍS. Síðan í sumar höfum við gjörbreytt skipulagi félagsins og sett af stað afar metnaðarfull verkefni, meðal annars á vettvangi stafrænnar framtíðar, sem við bindum miklar vonir við. Við höfum einnig fengið til liðs við okkur afar öfluga stjórnendur til að leiða félagið áfram og tryggja að VÍS verði áfram í fremstu röð.“

Tillaga stjórnar til aðalfundar um arðgreiðslu

Stjórn félagsins leggur til að félagið greiði hluthöfum arð sem nemur kr. 0,6 á hlut. Heildarfjárhæð arðgreiðslunnar er um 1.322 milljónir króna. Félagið sér vaxtartækifæri á markaðnum og telur arðstillöguna ekki skerða möguleika félagsins til nýtingar þeirra.

Kynningarfundur

Kynningarfundur fyrir markaðsaðila og hluthafa verður haldinn hjá VÍS í Ármúla 3, þann 1. mars n.k. kl. 8:30. Þar mun Helgi Bjarnason forstjóri kynna afkomu félagsins og svara spurningum. Kynningarefni fundarins verður hægt að nálgast á íslensku og á ensku á heimasíðu VÍS: <https://www.vis.is/vis/fjarfestar/fjarfestafundur>

Hægt verður að fylgjast með fundinum í beinni útsendingu og nálgast upptöku að honum loknum á vefslóðinni: <https://www.vis.is/vis/fjarfestar/fjarfestafundur>

Fjárhagsdagatal

Aðalfundur	22. mars 2018
1.ársfjórðungur 2018	2. maí 2018
2.ársfjórðungur 2018	22. ágúst 2018
3.ársfjórðungur 2018	24. október 2018
Ársuppgjör 2018	20. febrúar 2019
Aðalfundur	20. mars 2019

Nánari upplýsingar

Nánari upplýsingar veitir Andri Ólafsson samskiptastjóri í síma 660-5105 og í netfangi fjarfestatengsl@vis.is.

Til athugunar fyrir fjárfesta

VÍS vekur athygli á því að staðhæfingar sem finna má í þessari fréttatilkynningu kunna að vera byggðar á mati og áætlunum stjórnenda félagsins en ekki á staðreyndum sem hægt er að sannreyna við birtingu tilkynningarinnar. Eðli málsins samkvæmt fela slíkar staðhæfingar í sér óvissu. Athygli fjárfesta er vakin á því að margir þættir geta haft þau áhrif að rekstrarumhverfi félagsins og afkoma verði með öðrum hætti en forsendur gera ráð fyrir í tilkynningunni. Þessi tilkynning verður ekki endurskoðuð eftir birtingu hvað þetta varðar. Staðhæfingar sem finna má í þessari fréttatilkynningu gilda eingöngu á þeim tímapunkti þegar fréttatilkynningin er fyrst birt og takmarkast gildi þeirra við það sem segir í fyrirvara þessum.

	m.kr.	4F 2017	Δ %	4F 2016	2017	Δ %	2016
Rekstur	Iðgjöld tímabilsins	5.217	9,5%	4.764	20.528	12,1%	18.319
	Eigin iðgjöld	5.044	10,1%	4.583	19.840	12,4%	17.647
	Fjármunatekjur	456	-52,4%	959	1.350	-32,4%	1.997
	Heildartekjur	5.535	-1,0%	5.592	21.328	7,6%	19.815
	Tjón tímabilsins	-3.581	-3,1%	-3.697	-13.996	-5,9%	-14.866
	Eigin tjón	-3.721	3,4%	-3.599	-14.555	3,6%	-14.045
	Rekstrarkostnaður	-1.283	11,9%	-1.146	-4.948	10,6%	-4.475
	Heildargjöld	-4.884	2,8%	-4.752	-19.589	5,1%	-18.639
	Hagnaður	496	-42,8%	868	1.326	-9,2%	1.459
	Gangvirðisbr. á fjáreignum til sölu	354			354		
Tekjuskattur	-71			-71			
Önnur heildarafkoma, a.t.t. skatta	283			283			
Heildarhagnaður ársins	780			1.609			
Hlutföll	Tjónahlutfall	68,6%	-11,6%	77,6%	68,2%	-16,0%	81,1%
	Eigið tjónahlutfall	73,8%	-6,1%	78,5%	73,4%	-7,8%	79,6%
	Kostnaðarhlutfall	21,5%	1,9%	21,1%	21,1%	-1,3%	21,4%
	Endurtr. kostnaðarhlutfall	6,0%		1,7%	6,0%		-0,9%
	Samsett hlutfall	96,1%	-4,3%	100,4%	95,3%	-6,2%	101,7%
	m.kr.			31.12.2017		31.12.2016	
Efnahagur	Eignir						
	Fjárfestingar				31.824		33.069
	Handbært fé				1.094		1.063
	Viðskiptakröfur				6.179		5.706
	Hlutdeildarfélag				2.642		0
	Aðar eignir				4.665		6.484
	Eignir samtals				46.405		46.323
	Skuldir						
	Eigið fé				16.766		16.371
	Víkjandi skuldabréf				2.624		2.574
Vátryggingaskuld				24.406		24.936	
Aðar skuldir				2.608		2.443	
Skuldir samtals				46.405		46.323	
Hlutföll	Eiginfjárhlutfall				36,1%		35,3%
	Arðsemi eigin fjár				8,0%		9,2%
	Gjaldþolshlutfall samstæðu (SII)				1,42		1,72



Afkomuspá Vátryggingafélags Íslands (VÍS) fyrir árið 2018

VÍS hefur ákveðið að birta framvegis reglulega spá fyrir næstu fjóra ársfjórðunga. Spáin verður uppfærð ársfjórðungslega, birt í afkomutilkynningum og kynnt í fjárfestingakynningum félagsins.

- ➔ Spáin fyrir árið 2018 gerir ráð fyrir 95% samsettu hlutfalli og að hagnaður félagsins fyrir skatta verði 3,1 milljarðar króna.
- ➔ Spáin gerir ráð fyrir áframhaldandi vexti iðgjalda. Gert er ráð fyrir að tjóna- og endurtryggingahlutfall verði 74% og hækki á milli ára.
- ➔ Þá er gert er ráð fyrir því að kostnaðarhlutfall félagsins verði um 21% og að innleiðingu nýs tryggingakerfis muni ljúka á árinu. Gert er ráð fyrir 7,2% nafnávöxtun fjárfestingaeigna félagsins.

Fjárfestingastefna VÍS miðar að því að samsetning eigna hámarki ávöxtun miðað við þann áhættuvilja sem settur hefur verið. VÍS hefur skilgreint áhættuvilja félagsins út frá gjaldþolshlutfalli sem er á bilinu 1,35 – 1,70.

Arðgreiðslustefna félagsins er að greiða allt að 100% af hagnaði hvers árs eftir skatta í arð. Arðgreiðslufjárhæð skal þó aldrei leiða til lægra gjaldþolshlutfalls eftir greiðslu arðs en áhættuvilji félagsins segir til um.

Áætlun 2018 || **VÍS + Lífis**

	1F 2018	2F 2018	3F 2018	4F 2018	Spá 2018
Tjóna- og endurtr.hlutfall	81,6%	69,4%	71,4%	74,4%	74,5%
Kostnaðarhlutfall	21%	21%	21%	21%	21%
Samsett hlutfall	103%	91%	92%	95%	95%
Ávöxtun fjáreigna	1,3%	2,4%	1,3%	2,4%	7,2%
Hagnaður fyrir skatta	276	1.090	851	891	3.108

Fyrirvarar

- Afkomuspár félagsins eru háðar fjölda áhættu - og óvissuþátta sem geta þýtt að raunverulegur árangur í framtíðinni verði umtalsvert frábrugðinn því sem greint er frá í spá þessari.
- Félagið upplýsir mánaðarlega til markaðar um samsett hlutfall og ávöxtun fjáreigna í mánuðinum á undan.
- Uppfærðar spár fyrir árið og næstu 12 mánuði verða birtar með afkomutilkynningum ársfjórðungslega.
- Félagið tilkynnir, að öðru óbreyttu, sérstaklega ef frávik frá væntum hagnaði ársins fyrir skatta er umfram 10%.

Nánari upplýsingar veitir Andri Ólafsson samskiptastjóri í síma 660 5105